

華東卷

【上編】



地

方

志

人

物

傳

記

資料叢刊

國家圖書館編

北京圖書館出版社

【華東卷】

上編

第六七冊

地方志人物傳記資料叢刊

國

家

圖

書

館

編

北京圖書館出版社

第六十七冊目錄

(同治)奉新縣志

人物志(一)		一
宏詞科		
進士		
人物志(二)		一〇五
舉人		
人物志(四)		二〇三
童科		
辟薦		
恩賜		二一三

恩貢		二一九
拔貢		二二五
副貢		二三三
歲貢		二四三
武進士		二八三
武舉		二八七
應例		三〇九
雜進		三五三
人物志(五)		三八五
封廕		
遺獻		五三九
寓賢		六一三
殉難紳民		六一七

奉新縣志卷八

人物志一 宏詞科 進士

周士延譽於西京楚材見推於南服作楨王國取重鄉邦
地以人傳斯爲媿已奉新於南昌爲望邑至唐代而稱名
自是以還賢哲挺生風流彌劭

國朝俊乂旁求

聲教漸被瑰奇鵲起科第蟬聯文章朗若日星勲業紀諸竹帛
貲郎掾仕績著循良技擊材官芳垂忠義固漸摩有自亦
地氣使然迺至簪笏傳通德之門章縫表君子之行高軒
過而追芳躅彤管咏而畱清芬斯皆輝映山川彪炳史乘

者也昔陳承祚傳益部耆舊習彥威傳襄陽耆舊皆所以表碩德重人倫今序次唐宋以來首紀科目次辟薦諸貢武科封廕應例雜進遺獻寓賢終以列女爲人物篇云

宏詞科

按唐制本在進士之上故列於首

唐開元中

劉脊虛

字全乙亦字挺卿奉化鄉人孝友恭儉哲悟過人時吳兢爲洪州刺史方直少許可獨高其行改所

居之里曰孝悌鄉以表異之開元中舉宏詞累官崇文館校書郎與孟浩然王昌齡相友善評者目脊虛詩情幽興遠思苦調奇永明以來可謂傑立江表者矣舊志按宏簡錄脊虛附見王昌齡傳稱江東人唐書輿地志無江東道洪州隸江南道史或誤爲江東耳豫章書人物志俱新吳人林志訛作靖安通志駁正又王士正香祖筆記載脊虛墓在越王山之左坪今城西七十里富溪有古孝悌里是脊虛故居

進士

唐

會昌四年甲子

劉

麟

沓虛孫官翰林侍讀

劉

麟

沓虛孫官國子博士

天祐四年丁卯

胡

鹹

字湯老官國子監博士遷侍御史是爲華林胡氏之祖

宋

太平興國八年癸未王世則榜

涂

餗

字以功號簡齋奉新鄉人

端拱二年乙丑陳堯叟榜

胡克順

字孝若同安鄉人授宋州虞城縣主簿擢知長社

縣歷郛縣甯遠江甯遷大理丞真宗東封知行在三司糧料院出知潤州改眉州尋召爲三司戶部判官乞外除宣州卒楊億誌其墓初楊州徐鉉歿無子克順葬之西山鸞岡原春秋時祀終身不廢按香祖筆記云徐鉉寶臣文集宋都官員外郎胡克順所輯康熙志亦作都官員外郎

胡用之

克順兄子官武勝軍節度推官

咸平三年庚子陳堯咨榜

胡用莊

字敬夫仲堯從子廷試第三人及第幼時父命賦紅蕉援筆立成云謝家池館遇芳菲破綠抽心一片緋恰似九衢二三月綠羅叢裏著朱衣後解褐借緋除

江州通判任滿卒

戴益

字三友號洪溪

涂及 字至中號濟菴奉新鄉人

景德二年乙巳李迪榜

劉拱 原名煒奉化鄉人官兵部尚書

胡用時 同安鄉人官潮州尹

胡順之 字孝先同安鄉人知浮梁縣豪民臧氏素橫率吏至其家掩捕郡遣教練使詣縣入謁甚倨數其罪械而杖之歷青州從事大姓麻士瑤陰結貴侍陵蔑州縣會殺兄子事覺莫能捕順之盡得其黨有詔鞫問士瑤論死仁宗初遷太常博士再上宰相書乞太后還政遷尚書屯田員外郎數論朝廷事為范仲淹所知然挾術尚權喜縱橫裨闔以失明廢祀鄉賢

胡用禮 字敬仲同安鄉人官道州刺史

大中祥符八年乙卯蔡齊榜

涂會

字朝萬號潔菴奉新鄉人

天禧三年己未王整榜

胡用舟

克順子

景祐元年甲戌張唐卿榜

胡真卿

用時孫

胡況

字慶菴用之子官都水監

閔汾

字崑源建康鄉人官工部屯田司員外郎

吳溫

一名淵字伯嘉南鄉人

嘉祐六年辛丑王俊民榜

鄒軻

字幾聖下坊人以薦授江東轉運判官遷知饒州歷官數十年能以清惠自持

胡澤

字民望用莊子任南雄教授

元豐五年壬戌黃裳榜

鄒輅

軻之弟任浮梁令

八年乙丑焦鞞榜

龔弁

王庸

元祐六年辛未馬涓榜

胡晉侯

用時孫官鄒南節度推官

紹聖四年丁丑何昌言榜

胡直孺

字少汲同安鄉人初爲路州司戶有盜夜殺人胥井莫能獲執鄰人疑似者誣服直孺雪之召爲九

域志編修官時議重貶元祐黨人直孺爲之營解遷監察御史出知平江府擢江湖南黨人直孺爲之營解遷監察人南侵奏用种師道策議合遷工部尚書龍圖閣學士知南京兼京東道總管金人再犯京師被命勤王期一月可集兵二十萬符方下朝廷趣兵急乃以南京戍卒四千民兵三千赴之至雍邱與金人遇直孺力戰斬首千餘級明日復戰金步騎益眾自旦至午民兵先潰遂見執久之得歸欽宗慰之曰孤城圍閉天下兵至者獨卿與張叔夜耳高宗立赴行在除知洪州進刑部尚書兼侍讀論奏十事上稱善御書文物多師古朝廷牛老儒於屬以賜改兵部兼擢吏部卒贈端明殿學士祀鄉賢直孺合祭天地議國朝配祀至英宗始配以仁考司馬光呂誨爭之以爲純祖尊父然卒不能奪王珪孫抃之諂辭其後神宗謂周公祀在成王之世成王以文王爲祖則明堂非以考配明矣王安石所對引孝經嚴父之說惜乎當時無有辯正之者今或者曰后稷爲周之祖文王武王是爲二祖高祖爲漢之祖孝文孝武特爲二廟皆子孫世所奉承者太祖爲帝者祖太宗眞宗宜爲帝者宗皇祐以一祖二宗並配議出於此直孺等聞前漢以高祖配天後漢以光武配明堂古之帝王非建邦啟土者皆無配天之祭故雖周之成康

漢之文景明章其德業非不美也然而子孫不能推以配天者避祖宗也有宋開基創業之君太祖是也太祖則周之后稷配祭於郊者也太宗則周之文王配祭於明堂者也此二祭者萬世不遷之法也皇祐宗祀合祭天地固宜以太祖太宗配當時蓋拘於嚴父故配帝并及於真宗今主上紹膺大統自真宗至於神宗均爲祖廟獨躋思於無名並配則幾同於祫享今參酌皇祐詔書請合祭昊天上帝皇地祇於明堂奉太祖太宗以配惟禮專而事簡庶幾可以致力於神萬世行之可也楊時賜直孺御書扇銘堂堂胡公一世之傑詞潤金石忠貫日月抗節不回光輔三葉粹玉無瑕至剛不折赫赫聖君使臣以禮前席親賢虛懷不已讜言屢建嘉猷日啟志合道泰若石投水寶扇宸翰頽自上方踴然舞鳳宛如龍翔帝寵旣渥臣躬有光爰襲爰篋子孫之藏伊昔太宗師古崇儒野老咏歌質而不諛一時之盛萬世之模君臣相得異世同符

政和五年乙未何桌榜

帥日宣

字遺達北鄉人官湖廣刺史

宣和六年甲辰沈晦榜

舒邦彥

字夢達建康鄉人幼從師受書退而嘿然師問之對曰吾默識耳年十五隸諸生甲辰登第除益州

府佐累遷湖南撫幹所至勸農桑擊豪猾平冤獄清積逋邦彥與王從言同登第相得王以厚重稱邦彥以才幹顯並知名於時

王從言

字師孟下坊人宣和癸卯領解額第一登第除渠州錄事參軍辟佐湖南帥幕見時政日非引疾歸

孝宗朝累徵不就築室山中自稱逸老

紹興二年壬子張九成榜

李三俊

五年乙卯汪應辰榜

李球

字仲光同安鄉人官御史

甘廷珪 字德全法城鄉人任南雄教授

十二年壬戌陳成之榜

劉 獬 字元直奉化鄉人

黃元之 字子新莆田令

十五年乙丑劉章榜

袁去華

字宣卿上坊人知善化縣歲饑郡守督賦方急去

中以事謫醴陵縣丞遷知石首縣卒去華學問淵博尤長

於詞賦

在楚時襄陽帥呂游問欲辟致之不就

鄒 定

字應可慷慨有智畧辟佐湖南帥幕溪蠻爲亂白

拜願降晚耽詩有集楊萬里極推重之

二十一年辛未趙達榜

陳特立

字致柔弱冠登第授南城尉擢知宜春縣有大姓

以偽券占民田特立訊得之論如法豪民斂跡以憂去邑人罷市相弔再知麗水縣秩滿歸行李蕭然官至臨賀守祀鄉賢舊志按景泰志特立父嘉運字季益經明行修以優行貢辟雍為時名儒特立為枝江令時湘漢用師沿江郡縣疲於供億郡檄催糧急特立曰民勞甚矣可復死乎率諸邑言之坐貶

胡嗣立

授從政郎任潭州瀏陽令

二十四年甲戌張孝祥榜

許叔達

字商叟南鄉人授崇仁簿民有尸其子於親屬之門者屢案不能竟獄叔達摘發其隱誣者伏辜及

知甯鄉縣賑貸有條時推為一路救荒之最調知宜春卒生平清苦自持張南軒嘗稱之曰持身冰玉每飯不足高臥讀書淡然無欲

二十七年丁丑王十朋榜

袁

鳳

字子儀九齡能詩時有神童之目初尉理定其俗相習鬻妻鳳曰夫婦人倫之首可爾耶白府議其

禁攝荔浦縣嘗籌民利三事運帥張孝祥喜曰使屬邑盡如袁令吾可臥治矣終衛州錄事參軍

余紹祖

字光裔從善鄉人爲澤州觀察推官盜劫海商既獲而窮治不承紹祖募人於江淮間得舊舟示之

盜駭服改知廬陵縣歲旱郡督課不少懈紹祖持告身付吏求去郡將改容謝之秩滿積俸二千緡懸之梁上歸裝書數篋而已尋通判江陵府擢守巴東命下以疾終郡人舁邦佐輓詩有東南官數任來往只單車之句祀鄉賢

乾道二年丙戌蕭國梁榜

胡价

字仲藩同安鄉人知湘陰縣大姓以武斷相高吏不敢問价方按問援者旁午不聽悉置之法諸豪

警服調湖北憲幕參提舉陳謙平蠻戎務价告謙郡縣兵弱請召旁路諸軍遣將分討遂擒首亂及拒捕者數十百人餘盡降价之謀居多擢守大安軍未赴卒祀鄉賢

八年壬辰黃定榜

劉吉

字伯琬奉化鄉人永州倅

嘉定四年辛未趙建夫榜

帥應和

字公伯日宣子官豐州判

淳祐十年庚戌方逢辰榜

陰應夢

字謙甫號竹埜進城鄉人賈似道擅政時事日非應夢遂不仕家數百口五世同居子幼邁幼選幼

迪幼達幼适幼遇迪達遇俱中九經童科入元後更號倦翁築聚德樓殫心著述三十年足不履地稱前進士以終

開慶元年己未周震炎榜

趙時侔

字時甫宗室子由新淦尉改與國軍大治尉郡守以築郡城委之帥閭責其不稟命與郡守俱以罪

聞朝廷知其無辜特授廣東連山尉受檄平潮州等處蠻寇有功就知南海縣事祥興元年厓山潰與幼主同沈於海

帥以達

字君興應和從子官廣東轉運副使